

摘藻堂四庫全書薈要

經部

欽定四庫全書薈要

經部

禹貢山川地理圖卷上



詳校官祭酒臣章誦恒

欽定四庫全書薈要

禹貢山川地理圖目錄

卷上

禹貢山川地理圖序

九州山川實證總圖

闕

叙說

今定禹河漢河對出圖

闕

叙說



歷代大河誤證圖

叙說

大河經歷

龍門

華陰

底柱

孟津

洛汭

大伾

降水

大陸

漢以後九河舊圖

叙說

新定九河逆河碣石圖

叙說

水經濟汴互源圖

叙說

濟伏流辨

杜佑說後世不當有濟辨

水經成臯濟瀆辨

今定汎滎濟圖

叙說

刪潤酈道元所釋水經

濟水入河溢滎之地辨

水經滎澤辨

潯陽舊九江圖

叙說

鄭玄小九江圖

叙說

今定九江圖

叙說

孔安國三江圖

叙說

班固三江圖

叙說

韋昭三江圖

叙說

今定三江圖

叙說

三條荆山圖

叙說

卷下

古漾漢圖

叙說

甘肅二州弱水圖

叙說

唐史西南夷弱水圖

東女弱水辨

小勃律弱水辨

今定弱水圖

叙說

酈道元張掖黑水圖

叙說

漢志勞水會葉榆入南海圖

叙說

水經葉榆入南海圖

叙說

樊綽黑水圖

叙說

今定黑水圖

叙說

九州貢道序

雍梁荆三州貢道相因圖

叙說

充青徐揚四州貢道相因圖

叙說

冀州夾右碣石圖

叙說

汴濟分合圖上

汴濟分合圖下

叙說

汴濟之別

汴派曲折

汴水立名辨

滎汴互派辨

葭蕩渠口辨

隋汴首末

宋武開汴入渭取長安圖

叙說

臣等謹案禹貢山川地理圖宋龍圖閣學士

休寧程大昌撰宋史藝文志大昌禹貢論五

卷後論一卷又禹貢論圖五卷而馬端臨經

籍攷則云論五十二篇後論八篇圖三十一

淳熙四年詔付秘閣舶使彭椿年嘗刊之泉

州學宮今諸論尚存而其圖獨已久佚歸有

光跋及朱彛尊經義考皆未之見也通志堂

九經解既訪刻其前後論而所謂禹貢山川

地理圖者惟叙說僅存圖目亦止三十今以

永樂大典所載本校之則祇闕其九州山川
實證及禹河漢河對出圖而其餘二十八圖
歸然具在誠自明以來未覩之本也大昌之
旨皆本先儒舊說各以其語先為之圖從而
辨正其誤乃出其見復綴新圖於後以訂定
之眉列掌指使讀者了然易知雖陳振孫歸
有光諸人謂非身親歷難得其真而其議論
瞻博援据詳明要為卓然不詭隨傳注者矣

其舊圖分五卷篇次已不可攷今依經解原
目定為上下二卷乾隆四十二年十一月恭
校上

總纂官臣紀昀臣陸錫熊臣孫士毅

總校官臣陸費墀

欽定四庫全書薈要卷八百二

經部

禹貢山川地理圖卷上

宋 程大昌 撰

序

臣既不揆淺聞著論以發明禹貢而自古及今郡縣山川無不闢括頗浩渺難見遂事為之圖各以地理列置固有出于古來舊說而質之禹貢不合者又有雖並經文而地理位置改易其真者說既各不相同若雜為一

圖則恐交錯難曉臣今稽求先儒舊說各以其語先為之圖從而辨正其誤舊說既竟乃出臣愚見為圖以綴其後又慮臣先所著論文字稍多且不與圖本附麗其於尋求不便遂撫事實隨其方所畧標要指貴於一見可以即解也歷代山水名稱改易既衆又郡縣分合更改世世不同今且專以唐世地書為正一則取其州縣四境悉有方隅底止可以穿貫遠近少所差失一則多用唐制名稱亦貴會歸於一異時苟有詳於稽求者則

據唐人所名山川郡縣即其世數先後稽之典籍可考而知也圖以色別青為水黃為河紅為古今州道郡縣疆界其用雌黃為識者則舊說之未安而表出之者也臣愚短亦知前世博者不肯犯衆儒之所不言以招譏議然臣以為儒當考古苟言之未當而啟他人意見以歸於是或可少備國家稽據亦其志之樂為者也臣是用不敢以淺學為解

九州山川實證總圖

關

禹貢山川臣既著之論以通其理今又圖其方望地著
貴于易見然一山一川而古今數說錯出則既各為之
圖其于隨事考閱則便矣顧欲該華夷而參觀則散漫
無宿臣故會為總圖取其有確證者聚著其上合四海
之大書之不盈尺紙但能畧標其目而委曲詳縟者則
當求之本圖此不容詳也

今定禹河漢河對出圖

闕

臣案禹貢古河其正流止一大派自積石以至降水大陸而東流播為九河者是也至其分派旁出者凡二在南為濟少北為漯二水雖分枝于河而皆不得名河周定王時河徙故瀆則已與禹貢異漢元光河又改向頓丘東南流入渤海則漢河全非禹河故迹矣司馬遷班固雖能言禹河之在降水大陸者別為一枝而又雜取漢世新河亦附之禹其曰禹醜為二渠者是也孟康順承遷固此語以漢河為漯川其意以為禹時漯嘗受河

亦是禹迹可以附會遷固之謂禹醜二渠者其說巧矣
然漯在禹時未嘗得附名于河也若以漯為正禹河邪
濟大于漯亦禹所疏又可增數以為三渠矣況漯水故
迹亦與漢河殊異豈可引以為據然自此說既行歷世
儒者皆誤認漢河以為禹河故此大伾以下降水大陸
皆無底麗蓋禹河既背漢河而枯矣其地又正在北歷
世譌誤以為王莽故河而不知其真禹河也于是雖有
迹道縣亘數州世儒亦不知稽以為據而降水故瀆雖

存既與漢河相背亦併見廢棄不以證經甚可惜也臣
既具論首末又著之圖貴其易見

歷代大河誤證圖

北

清池縣本漢蒲
領縣潭水入海

滄

舊縣

張中河入潭

衡水縣有衡潭

冀
信都

張中河首
受屯河

德



和縣



石

西

同

龍門山

龍城驛

孟門山

邢

漢志大陸
在鉅鹿縣

貝

博

東

渭水

蒲

絳

慈

洛

邢

相

王莽枯河

魏

館陶

冠氏
為漢館陶
元指為
降水

漢屯民
河鄆道
元指為
降水

衛

聚陽山柱佑
云大任山

澶

大河漢元光改元十九

濮

濟

懷

北共山渠
水所出

洛

洛
成羣山
張頭以
為在

鄭

滑

陝

硤石縣

華

華山

號

龍門山



龍之北多
雲

淇水

南

山一也

禹貢大河至周漢以後改向頓丘東南以行則凡禹河之所經歷皆不可並漢河推討矣諸家不悟其失故說愈多而愈與經背臣為此故先為之圖以究見禹河實地乃始別出此圖以見諸家之失證也古迹關於河道者多故條列而言之冀不雜爾

大河經歷

導河自積石以下未至龍門以上經但一書積石不言方向知荒遠在所當畧也既及龍門則在冀都之西故

因其所經以記其自南折東之地而曰南至于華陰者
致其詳也東過洛汭至于大陸則又自其又東而折北
者言之也北過降水至于大陸則又自其直北正逕言
之其叙記甚明故可據之以考世傳地名當否也

龍門

河至慈州之文城縣孟門山是為入龍門至絳州汾水
合河之上為出龍門口此其中間地勢險甚河率破山
以行兩岸悉有鐫鑿痕迹漢說皆以為禹實鑿之以過

河流也故後世取龍門以名地者不止一處也

華陰

河行華山之北故曰華陰河自北狄入中國皆南行至
此而極始折而東後世潼關在此以其關地為河流撞
擊故曰潼關

砥柱

砥柱屬陝州硤石縣其曰砥柱者石在大河中流峙立
為三河水包貫以行以其如柱而立則曰砥柱以其石

如水門故又曰三門賈讓及淮南子水經皆言禹鑿此石而通河使行也河至華陰潼關則已改為東流不待至底柱乃始折東今其曰東至底柱者自改東以後惟底柱為可記也

孟津

孟津屬洛州河陽縣武王師渡孟津即此也唐置河陽三城節度使治此本朝因之改為孟州亦杜預造浮梁之所名富平津

洛汭

洛水至洛州鞏縣東北入河其曰洛汭者洛既北入于河河之南洛之北其兩間為汭也汭之為言在洛水之內也渭水入河之間亦名渭汭正其義也

右自洛汭以上河行地中他水反來注河故山水名稱迹道古今如一無所譌誤以其山川皆自附著故也自大伾以下不論水道難考雖名山舊嘗憑河者亦便不可究辨此非山有徙移也河既遷變年世又

遠人知新河之為河而不知舊山之不附新河也輒
並河求之安從而得舊山之真歟山靜物也且因河
從而譌錯如此則降水大陸其方鄉益難究定矣此
其並河之地所為無的之因也

大伾

張揖以成臯山為大伾薛瓚杜佑以河內黎陽山為大
伾兩山皆大河所逕又皆古來舊傳也臣獨不以張揖
為當者蓋黎陽山在大河垂欲趨北之地禹故記之正

與河將東流而先記華陰之在極南者同也若成臯之山既非從東折北之地又非險礙如龍門砥柱之須疏鑿也其地西去洛汭既已絕近東北距降水大陸又為絕遠禹獨何為而特于此數數致言邪臣故于瓚佑有取正以其理有當焉爾

降水

鄭康成以淇水之自衛州入河者為降水其援引譌誤元已自覺之遂改引屯氏河為證酈道元既已仍襲其

誤尋又覺屯河之無降名也因又改易漢志屯河名稱以應古降既已明誤且有大失審究者經之叙河曰北過降水是元有降水而禹因河役過之其理甚明也今屯河乃因漢河決溢甫有迹道設使漢河真是禹河亦無有因此河決流而反記此河位置者而況漢河本非禹河而求禹河所逕于漢河支派則豈非重複之誤邪此其誤之所起不出乎臣之所陳者矣河既改流並河山川皆非其故而不知反諸未始改流以前此與中流

失劍而刻舟以記者正同一誤也

大陸

漢志大陸在鉅鹿郡鉅鹿縣北鉅鹿縣唐邢州平鄉縣
也不論漢河禹河而皆未嘗逕邢以行則雖有大陸自
不足據之以為經證春秋魏獻子嘗畋大陸焚焉還卒
于甯杜預亦不能定大陸所在第疑鉅鹿與甯太遠遂
意大陸當在河內脩武縣也今未論大陸之在脩武者
為當為否也河內遠在澶魏上方未為大河北流之地

則經謂北過降水而至大陸者預之說其不能與之相應明矣夫其說既未堅確于是後世變而求之下流者甚多隋氏改趙之昭慶以為大陸縣唐人又割鹿城置陸澤縣皆疑鉅鹿大陸不與河應故展轉求之向北之地也及其郡縣名稱既已改附經語而卒無考據後世亦不堅信也臣所著論第取考古而折以理不敢創意以立己說固嘗姑以深之大陸為正而用以證經且貴其與北至大陸者合其實不安也如臣之愚則欲並古

說而加意定焉爾雅廣平曰陸大陸云者四無山阜曠
然而皆平地故以名之經之于冀曰大陸既作言水患
既退雖平地之廣衍者亦無水患遂可耕藝也循其名
而究其理固可意推而古事又可言者也禹河自澶相
以北皆行西山之麓故班馬王橫皆謂載之高地則古
河之在冀以及古絳之南者率皆穿西山踵趾以行及
其已過信都古絳而北則西山勢斷曠然四平遂本其
事實而用大陸命之不亦名實相應乎臣嘗深案古書

而得此理自謂稍的而不敢正立為論者蓋遵本聖人
闕疑之義然而懷不能已卒不免一陳也自大陸以北
為唐之棣景滄三州地則益下故河於是播裂為九則
其地不復平行而特為卑窪故也此又其理之可以交
相發明者也

漢以後九河舊圖

北

漢定徒駭河

平

志云海沱河氏曰徒駭既曰民言則非載籍所傳然其河自是海沱別為一流不與禹貢河相干河緣可為九河之一其後說者

其非又或指徒駭謂在渝州可見世言九河之誤

需朝

莫

瀛

定

此是海沱河

鎮

北東流至天安縣入海

深

趙

枯河

高津在樂陵縣西安縣東南胡蘇標臨津三縣臨津

馬頰

樂陵縣東南與地志知是馬頰

鉤盤

樂陵縣東南與地志知是鉤盤

景

冀馬頰

寰宇記云在蓳縣

九河辨

自漢至唐言九河者其詳其所指地位已見諸雜重覆不可信兼入九河將入海先為逆河逆河之口常有碣石古來皆不能觀此二者以為信驗以經文言之知其無所歸宿甚明

漢河自樂陵縣入海

鉤盤在樂陵縣北

西

東

相
故大河漢以後枯

魏

澶

頓丘

漢元光改從頓丘
縣東南流之河

南

博

馬頰
元初志亦
在安德縣
原出南河
典在安德

德

安德

漢順通順口在
安德縣

南

津
元和志在安德
將陵縣南

馬

元初志
在濟南

濟

漢

齊

自漢以後言九河者不勝多說謂為人出私見邪則其所指皆有實地謂其所指皆可的據邪前日所指後人又移而之他也況或一名而更兩出或新河而載舊名全無源流臣嘗深以疑之故圖列其地就加疏說使其重複異同之狀明則訛誤自見不待多辨

[illegible]

新定九河逆河碣石圖 北

辨碣石


滄州學務海縣北而北碣石百里其南地當為禹兗州其北境則魏州也蓋之北境正與平州接相去五百里由九河水濱海時從今海濱東出更有五百里平地河播為九在五百里中輒口又北播為九河同為逆河入于海則其古河自今已為海處向北斜行始為九河又向北東為海河逆河也故今海處有碣石山在河其角今時古九河河雖已無且碣石山在河對面東注北可見其地宜對面而南而東也九河逆河五百里地都入海而碣石在河正東便北五百里地宜立可見則是出時逆河碣石也

辨九河

古九河自大陸北東而播為九故北合為河故曰同為逆河入于海河海相承接有碣石山古今攷求勃海平地皆無之故漢王樞言九河之地已為海水所漸公衆推亦曰碣石在海中縣道元力王其言以為九河已同碣石也海於海以衆信者知求九河於平地不知推求碣石有無以為之說故前仍舊說無歸宿益平地無九河而強疑求之宜其支離不能得的

滄

唐景城郡漢勃海郡




碣石山雖入海仍在古魏州正東微北則知九河逆河入海時必當為九河之石不其明其地實為西九河有自北而東正係碣石山而南在其名曰碣石碣石于河

古逆河在海口河欲入海之地有碣石立其地多碣石之外即是大海故逆河難以進受九河南名之曰河其實將合於海矣故一能受九也

東

南



自漢至唐講求九河甚悉漢世近古止得三派唐人集
累世積傳之語乃說九得其六夫近古而采獲者少遠
古而采獲者多已不可信至其顯然謬誤者班固明以
滹沱為徒駭而不悟滹沱不與古河相涉樂史所說馬
頰乃以漢世篤馬河當之此類皆其明不可據者也臣
案經曰又北播為九河同為逆河入于海又曰夾右碣
石入于河又于導山曰太行恒山至于碣石入于海是
九河之北東必有逆河逆河之口必有碣石山甚明也

古今之論九河皆汎指舊河枯迹之在平原勃海者以充其數而其所謂九河又皆各為一流自入于海無有指定逆河之在何地而能翕受九河以同歸于海者設使九河逆河其水道遷變難考而碣石山趾頂皆石不應仆沒古今求之兗冀既皆無有而亦罕有發此一義以為九河逆河實證者故臣反之于經疑自漢及唐凡言九河者皆非古來確據于是因酈道元力主王橫張揖所言以為九河逆河碣石已皆淪沒于海而臣心以

其說為然既又詳考平州之南即滄州之東北也平滄隅立之間有山而名碣石者尚在海中可望而見其山蓋近平而遠滄也夫其從平眎之為正南則從滄眎之為東北也九河播于兗州之北斜入乎冀矣而逆河當又在北以受九河則正直冀之東北而與平州相並也以其方面位置易地觀之則平南境之碣石本冀東北境之碣石而後世淪入于海甚明也臣于是知九河逆河同淪于海王橫張揖酈道元人更三世同為一見具

有實證非空言也

南

北

徐州城彭

汴

考

曹

平

大野澤

澤

澤

澤

澤

陽武城

泗水東至淮
清河合故自淮
淮水東至淮

東

濟源出河北越河而南又復名濟世既疑之又會後世
汴水受河正與滎瀆相上下故辨正益難臣既詳著之
論而其委曲繁細者難察察言之既圖列其地遂事為
之辨貴于易見

濟伏流辨

濟自河北截河南渡仍得名濟其初止為河受他水已
多濟之入河適會其滿溢出南岸禹故還以元名命之
本無他說讀經者不究禹之命名全在溢之一字而乃

因其鑿說遂曰濟有伏流故入河而不與河雜此其所為名濟之因也歷代地書固知其自河北溫縣而入自河南滎陽縣而溢然猶變為一說曰濟源出王屋山下渟澄不流而其重源出于濟源縣也其後唐高宗疑濟源與河不接而許敬宗止以伏流為對其說蓋取重源以為本祖獨不思濟其果能伏流則當高宗之世滎口雖不受河猶有溢流汨出地底則伏流之說信矣今其河水不入滎口則滎澤遂枯尚言伏流不其誣邪

杜佑說後世不當有濟辨

杜佑言濟水之在河北者王莽時旱此渠枯涸水但入河而已不復截河而南而水經叙濟乃一依禹貢舊道斯不詳之甚又濟南濟北濟陽濟陰凡郡國附濟為名者皆命名不審此亦自是一見然殊不通也河南有濟禹時亦非流水真能截河流貫其間而滎之受河則實因濟而溢禹既本其所自而以濟命之自漢以後濟瀆循河上下如漢漕渠陰溝隋之板渚唐之河陰未嘗不

受河為流則其本禹之故以濟命之不得謂之無實也
況濟之入河古今皆自溫縣故瀆至今不塞則謂王莽
時枯竭者亦妄若謂後世濟之注河者小不足以截河
而南則禹時濟力亦無緣可以截河也
本論詳具以禹而較
後世等之隔河不為直流則禹命之名後世循之獨不
可容其存古乎此佑之蔽也

水經成臯濟瀆辨

河南無濟其有濟者自溫滎而始古滎瀆至漢則已不

能的知其地然秦人名縣自廣武汜水已上命為成臯
自敖山已下名為滎陽則成臯之地未有滎水明也今
水經所叙未至滎陽則已有濟而滎陽反在濟源下流
已見其失又古義山南為陽水北為陽各以受陽之方
命之也秦名渭北為咸陽者以其居山南水北故得以
咸陽命之水經叙濟又自滎陽北過則安得命滎陽也
邪此皆世傳之失也

今定沅漿濟圖

西
沅水

聲

大河

濟源

沅水
沅水

溫

梁

沅水
沅水

沅水

沅水
沅水

沅水
沅水

沅水
沅水

沅水
沅水

沅水
沅水

沅水
沅水

沅水
沅水

沅水

沅水


沅水
沅水

沅水
沅水

沅水
沅水


沅水
沅水

沅水指自溫縣之南東北之河其後向東
而南入元不為特占備王莽時入
河故也然水不結成不流如鳥羽入
出焉耳其有發而大入河故安流



恒

北



東

沅濟滎絕河南北以爲逕道其比他水特異因此世之
飾說既多而其水道又時時改舊經文愈無的證臣深
究桑鄺水經乃知古來滎澤尚可推尋顧其文厖亂卑
弱條理難曉今取水經元文稍加刪潤列寘于前古迹
既明經證乃見

刪潤鄺道元所釋水經

叙載事實皆是水經
臣但櫟括今有條理

濟水又東逕滎陽澤北又東會於滎澤

京相璠曰滎澤在滎陽縣東南下與濟隧合滎澤者

禹時濟溢為滎水所注射渚為此澤也春秋衛侯及
翟人戰于滎澤此時澤枯無水至可以戰民猶謂其
處為滎澤也濟隧鄭地也上承河水于卷縣北春秋
襄公十一年諸侯伐鄭西濟于濟隧杜預因其地而
名之水也成臯之濟逕故滎澤中已又北流至垣雍
西與出河之濟會南去新鄭百里斯蓋滎播河濟回
互相通也出河之濟即陰溝上源也濟隧至此絕溝
而過世亦謂其故道為十字溝也自于岑造八激堤

於河陰水脈逕斷故瀆難尋濟瀆雖有其迹不復受河

濟瀆出垂隴城北

春秋文公三年晉士穀盟于垂隴即此也京相璠曰垂隴鄭地今滎陽東二十里有故隴城是也世謂之都尉城蓋滎陽典農都尉治故變垂隴之名矣

澤際又有沙城濟瀆出其左濟水自澤東出即是始矣竹書紀年曰惠王十三年王及鄭釐侯盟于巫沙以

釋宅陽之圍歸釐于鄭者也瀆際故城俗言水城非
矣王隱曰河決為滎濟水受焉故有濟隄矣

濟水又東南逕釐城東

春秋經書公會鄭伯于時來左傳所謂釐也京相璠
曰今滎陽縣東四十里有故釐城也

濟水又合黃水

黃水發源京縣黃淮上東南流世謂之京水也北流
逕高陽亭又東北至滎澤南分為二水一水北入滎

澤下為船塘俗謂之邾城陂東西四十里南北二十里竹書穆天子傳曰甲寅天子浮于滎水乃奏廣樂是也一水東北流即黃雀溝矣又東北與靖水枝津合二水之會為黃泉東北流注于濟水

又東過陽武縣北

濟水又東南流入陽武縣歷長城東南流篋蕩渠出焉

濟水入河溢滎之地辨

此已後臣大昌所攷

古濟水自入河以至濫滎用後世郡縣言之則其入河在溫溫與鞏對而濫滎之地決不在鞏與成臯也蓋鞏有洛成臯有汜二水皆反來注河以其地皆特高故也然則滎濟何由濫注其地矣水經所載自成臯汜水之下已有濟派名為出河之濟不惟其理不然以古人名縣之義考之此處正屬成臯未屬滎陽則知滎在下方而水經所叙明誤矣漢之石門隋之板渚唐之河陰汴口等處皆在古滎陽地則古滎所注今雖不能明指何

地要之不出此五六十里上下也孔安國曰濟水入河並流十數里而南截河又並流數里溢為滎澤在敖倉東南其說固是計考其入自北而溢于南中間當不止數十里也

水經滎澤辨

若據水經所載濟派則滎陽縣反在濟水之南揆之古義水北為陽者既已不合而又水經所載明有故滎枯澤顧桑鄺不知參核以證世傳成臯濟派之誤爾滎陽

有新故兩城而水經故澤皆在二邑東南古來西北同
為水陽此澤地望既應古義又孔安國亦言澤在教倉
東南可參證也教倉者古教山也正與滎陽同在古澤
西北則其澤應古益真矣後世穴河通漕多在此地然
歷考前載皆有渠道無陂澤蓋創渠之初率皆預酌用
水多寡為鑿隧受河之則故水不暴而無所蓄食鍾聚
也禹時則有異矣濟既灌河河盈而水溢適在滎地怒
濤注射為此大澤故其幅負濶大不止才足容水而已

也此其滎溢為澤之因也憑此而言不獨可以知澤之為澤且可以知禹之名滎以濟者正以會其適然而非自出意義也澤之下不遠一二十里又有故陂而以邾城為名者其東西蓋四十里而南北亦二十里也以臣觀之濟之溢河其在沙城垂隴之西者固為大澤而釐城黃水之間其謂為邾城陂者亦滎澤也王隱謂此澤此陂之間有濟隄焉其經之所書謂為滎波既瀦者乎古迹患無其傳苟有記焉其方鄉地望雖千百世可知

也



尋陽舊九江圖

東

壽春

淮

秦九江
郡漢廬
江郡六

蕪

興國

江

南康

池

彭蠡

此據孔安國張僧監張須元賈耽所
說九江以意畫為此圖孔安國止言
分九派未有九名自張僧監以下三
家江皆有名而各不同故目疑無所
傳授但以已意推揣或得之俗傳是
以名稱不一若此至於九河則凡九名
古今更無兩說知九河寧曾言為

北

九而九江未嘗為九

南

黃

鄂

漢陽

復

郢

襄陽

岳

洞庭

青草

西

禹貢山川地理圖

三十

臣案九江之地孔安國第言在荆不指何地至班固始定著在廬江屬縣之尋陽應劭之釋九江亦曰江至尋陽分為九然漢尋陽之地在今為蘄春縣境此地與彭蠡會江處止二三百里中間又須有一山可名東陵乃與經應夫今岷江一派自蜀發源以至入海幾至萬里而山水得書者不過七名若九江在蘄春以至湖口三江會處不過二三百里其九江東陵三江乃遽有三名者聚在其地以人情推之經之書事其疏密不應如許

相遠故臣疑漢人謂九江之在尋陽者以荆境至尋陽
以東即為揚州故不得不即其地以九江附屬之實亦
別無所據然在今日去古甚遠不敢違古創言他地且
以尋陽為正

鄭玄小九江圖

卷上

東

淮

秦九江
郡漢盧
江郡六

江


池

南康



鄭玄不用孔安國荊州一江分九之說自丘
一說曰凡江者廬江尋陽山谿九小水入江
者耳孔穎達從而和之曰九水或自外來

北



或從江分南人呼水無大小皆曰江故皆得名江

南

鄭玄與孔安國同生漢世不主荆江分九之說知漢時亦無九迹明也其謂廬江尋陽間九小谿入江者乃無說可以明證九江故立為此論然古來名水不比後世錯雜如漾漢入江尚得與江並大而名為北江矣然其未入江時止得名漢不得名江安有九小谿者望江未至而得名為江乎此非獨臣之疑其誤而前世亦不遵用也

今定九江圖

卷上



北

尋陽本在此是江北

蕪

黃

豫

郢

均

襄陽

鄂

諸家皆謂江分為九在此而合於岳洛洲在江州其說出三家各作三名知非古來傳信之語若果有九道當列其為九河

崑氏采山上海平書洞庭為九江然其源自出湖而不受岷派與經不合

岳

洞庭

青草

潭

邵

衡

永

全

道

廬山司馬遷登之望九江在此亦以尋陽江為九江

今定九江江不為九派甚明若其地在今之江州則姑本古傳為據

西

澧水在此發源武陵沅縣不出岷山正源

武岡

袁

南

九江之不為九臣雖具言之今且據漢世所傳謂在尋陽者以為正蓋不敢於去古既遠之世而創為臆說以破近古者之傳也其如一江而名九江亦猶岷嶓三派合為一流而經以三江總之即其例也若其九江之所以名九當時必有所因不容鑿為之說



孔安國三江圖

北

揚

通

泰

潤

忠

江陰

蕪

吳江

定遠名大湖

湖

秀

杭

南

東

經謂岷山江之合海者為中江漢水自北來注岷江而同流分邊在北者為北江孔安國乃謂漢水入雲漢者為北江而皆不言所注何地第云有中有北則有南可知徐堅拔鄭玄書傳以證三江曰左合漢為北江右會彭蠡為南江岷

三江者岷江漢水合為中江漢水自北來注岷江而同流分邊在北者為北江孔安國乃謂漢水入雲漢者為北江而皆不言所注何地第云有中有北則有南可知徐堅拔鄭玄書傳以證三江曰左合漢為北江右會彭蠡為南江岷

真

和

無為


無為縣志卷之四
地理志
三

西

太平

池

江



無為縣志

饒

江居中則為中江故書稱東為中江者明岷江至彭蠡與南北合始得稱中也堅引鄭語如此知一江為三非出孔氏一家臆度也


孔安國言江至彭蠡分為三入于震澤震澤者今太湖也彭蠡者經以江漢彭蠡相會處為彭蠡澤在今江州湖口彭澤兩縣界也江至湖口會三為一經雖名為三江其實同為一流古今所同初未嘗分而為三入于震澤至于太湖在常湖平江三州間當隋煬帝未鑿江南河今浙中運河也時自不曾與江水相通則彭蠡江何緣可入太湖兼今之浙水雖與江通乃亦自鎮江設機儲水而其北江無慮高數丈上下自非盛潮不與相平古今水港固

有遷變而地形之連數州同為一高者未嘗見其能有
改易也今揚子江水面與鎮江地勢高低不侔知自古
三江決無可以流入震澤之理

班固三江圖

東

卷上



北

真

潤

常

建康

和州

蕪湖縣

太平

中江

水西流

溧陽縣

陽美水東流

山兩水不相通

池

江

廣德

湖

南

西

班固曰南江自震澤東南入海中江自蕪湖東至陽羨入海北江自毘陵北東入海毘陵今常州也若以今揚子大江在毘陵北東而用之以當北江則於經無礙至謂南江自震澤東南入海則既失之矣蓋經雖不明言南江而必以經之北江中江為三江之二明矣今舍而他求則何所本至謂蕪湖有水東至陽羨入海以為中江則不習地勢甚矣陽羨者今常州宜興縣也與建康溧陽接境兩境中高又皆有堆阜間之其兩邑水分東

西流其東流而下陽羨者固可通海而蕪湖之水乃皆
西北流合寧國廣德建康南境之水北向以入大江元
非蕪湖之水可以分江派而南流以下陽羨也班固必
詢之嘗行溧陽者謂有水道可以入海遂數之以為中
派一江不知溧陽之水不與宜興通世間事傳聞謬戾
者多如此也桑欽所著北江與班固正同其叙南江乃
謂自牛渚上桐水今廣德過安吉縣歷長瀆今太湖出松江
入海不知桐水安吉中高水不相通亦猶溧陽之與陽

羨也桑欽水經于地書最為詳博學者所宗而此類明
譌安可不正又其叙岷江則主蘄春而止其下流乃別
附之沔沔即經之漾漢也經之叙水以漢附江何嘗以
江附漢欽乃反之皆與經不合豈傳錄水經者錯置篇
帙邪

韋昭三江圖

東

青龍江口

秀


江

古今正統一江昭人志

北

南





韋昭曰三江謂吳郡南松江錢塘江浦陽江也昭舍經之中北江明文不用而別取他水為三江既已大失又浦陽江即今富春江乃錢塘江也至王安石謂三江入海一自義興一自毘陵一自吳縣未問其水道曲折當否惟其棄外經文別求他水說雖甚工亦不可宗用也經于導河嘗曰又北播為九河北正記河之所從析九者也至其分州記事又復總之于兗而曰九河既道其語正與導河相應者也以類例言之其撮會三江既入

屬之揚境者乃導江導漾語中所謂中江北江與會滙而三者之總括也經取導河播九而入之究以為九河古今未嘗別出九名以與導河條目違異而諸家獨於揚之三江削棄經之中江北江不用而越求他水是尚為能充其類也乎

今定三江圖

東

泰

揚

真

和

無為

仙樂

白水酒

江陰

潤


建康

池

江

南康

建昌



北

均

郢

漢陽

黃

蘄

南入于江
大別

襄陽

岳

鄂

洞庭

青草

袁

臨江

洪

饒

固

賴

南

峽

峽

西

九江在荊荆之水無有不歸大江而同入於揚者故九江之所以九者雖不勝多說而皆即大江支派以為之言其離本未遠也至於三江則在揚州揚居東南近海之地水自為源而直達於海者甚多諸家見經有三江而莫知其宿則隨其所見指執三水而曰經之三江在是也至於經之明文所謂中江北江者則皆棄之不錄故說益多而叛經益遠臣今祖本經文采合孔安國蘇軾所長而證以地理實致乃知三江本不為三其實一

江而三名爾案圖眎之自今茂州汶山發源會合川蜀
衆水以下行乎湖北江淮而東至通泰入海即經之謂
東為中江入於海者是岷江正派也以其地居三江之
中故經謂為中江也自興元府發源而東南逕襄郢至
漢陽軍而入大江者是為沔漢而沔漢之力能與岷江
均敵岷江雖能受其流而不能掩其大前乎禹者世人
必嘗以其入江而分流於北岸者命為北江矣禹遂本
其實而書之故曰東迤北會于滙東為北江入于海此

北江也南江雖不明見于經而今江西一路凡水皆入
于所謂鄱陽湖者比其北向自湖口彭澤兩邑之間會
于岷漢二江者即經之彭蠡也彭蠡之于二江南來北
注而衝波相入回旋蕩激故岷派謂滙澤于彭蠡而漢
派謂北會于滙者是經之特為彭蠡立文示與中北二
江水力相敵者也通禹貢一書水之以小注大則為入
水力稍相參配則為會其書會者如涇之於渭伊瀍之
於洛汶之於濟雖嘗皆以會言而滙之為義惟此有之

以其力大而相衝蕩其狀回復宛轉無有此受彼聽之
別故與他水合并為一者不同也經之先書漢派也曰
東滙澤為彭蠡則猶著彭蠡之名以見滙之所從起也
及其繼書岷派而著彭蠡其中更不再言蠡澤特曰北
會于滙則滙之一義不獨可以見其與彼二江僅相參
擬而又可以見其三者勢力均敵經不能以大小降殺
之也夫其水力既已相敵而地又居南則因中北二名
而槩見夫經之所不書則此之彭蠡其為南江何疑也

一江而三江名之驟見者必駭然經又有證者大河天
下一派耳主冀都命之自其水之在龍門而于冀為西
者命之曰西河水之下流至豫而于冀為南則曰南河
此經之明語非有增加之者也以類證類大河一河而
得隨其方鄉命之為西河南河則一江而中北南隨方
命之其義類名稱不既顯相發明也乎故臣得以主執
不疑也


三條荆山圖

卷上



西

東



南

經之雍荆二州皆有荆山是二荆山矣而荆山未嘗三
出也至班固之志地理始曰北條荆山在馮翊即雍州
之荆山也南條荆山在南郡即荊州之荆山也雖分南
北條而其為目第附會雍荆所有之山以為兩荆爾至
鄭玄王肅乃又條析經語取兩荆之間從西傾以至陪
尾謂為中條以補足三條之數而三條之論遂傳於世
宗其說者曰山之脈絡相貫雖江河不能絕故或逾或
過川雖甚大亦不能間絕之也且昔人之為此論者不

過如蒙恬地脈之說謂山有脈絡禹隨其所之而加順
治焉如太行常山之入海岷衡之過九江孔安國微有
其端謂能連延以過而諸儒又推廣之其說於經無所
發明而徒以汨亂臣既力論其不然矣今又即其事之
相近者言之禹之導荆逾河也諸家以為山脈逾之而
禹遂隨之也然此之荆山在漢馮翊其上流則有龍門
孟門對河而立而二山者地書以為峭石斷岸壁立河
垠有如開鑿漢人如淮南鴻烈之著於書賈逵之陳於

策皆言龍門當道大禹鑿之以過河流也其次下流則華陰之山並河而峙河亦穿斷山勢而東世傳神人之所蹴擘其說怪神所不足信而斷岸迅流本皆大華麓趾不誣也又下流而為底柱石包水中禹固因而濬行其間未嘗避越此地別為之道也舉斯三者正與荆山不遠而其大河正派值山則遽鑿之使行無畏其有傷脈絡也何獨至於荆山而必逾河以求順遂之邪且又有可証者壺口雷首至於太岳其文與荆山逾河之文

相接此三山者皆在河東皆近汾水姑主汾水以論其
理則易明也太岳汾之東也壺口其西也汾水之入河
正自蒲北雷首乃遠在汾水之南百里而遙若使禹欲
順荆山之脈逾河治之此汾水者穿割對荆之山凡三
遇而三絕之其於脈絡豈無害傷而禹亦聽之惡在其
為順遂山脈邪苟不求順山脈則凡其他謂恒碣之能
入海岷衡之能過江者果何預於經而禹何為記之以
惑世也至於四列所始又因三條之目創增一列稽經

無所質據而又岷衡不入三條故又取導山諸目而四分其位以為之言是又悞外增悞不足究也


禹貢山川地理圖卷上

謹案卷上第十四頁後圖內鬲津枯河小註在樂陵縣西三里東北流入饒安縣界入海原本脫三里二字界訛南據寰宇記增改

第十四頁後圖內胡蘇小註在饒安無棣臨津三縣原本脫棣據寰宇記增

欽定四庫全書





總校官進士臣胡榮

校對官檢討臣盧應

騰錄監生臣夏毓圻

繪圖監生臣周緯